

# 羅田縣志卷之五

## 惠政志

從政有經利民為本故惠顯懷保哲王之政必先焉羅田有備荒之倉有恤孤之院有療病之局有歛埋之塚 國家之仁政備矣良有司加之意而不視為虛文焉羅之民其有瘳乎

預備倉四所

一在縣東六十里一在縣北四十里一在縣南一里一在縣西四十里俱成化中知縣徐泰買民地建立儲穀以便各方賑濟嘉靖丙申知縣林宗桂因地去治遠而侵于民且一時不能重脩申蒙將各地賣價

入官轉脩四倉於縣儀門內東扁曰民天隨圮於大水嘉靖辛丑知縣祝珣重脩俾便民食共二十四間

養濟院

在縣北北垵龍成化初知縣徐泰建弘治己未縣丞魯瑄重脩嘉靖癸未知縣夏國孝因闢東新街買民黃綬城西隙地遷建隨廢丙申知縣林宗桂遷建於西新街社學之後延四丈袤七丈

惠民藥局

在縣布政分司右

義塚

在縣西二里成化中知縣徐泰買民山地一區以歛埋民之無歸者

官渡一

縣前官渡河遇春夏山水泛溢限隔南北往來唯難官置船一隻舟子掌之以通行人每遇破壞則呈有司脩補之

## 祀典志

### 惠政志

### 卷五

一

國之大事曰祀祀之禮凡以為民也凡有功於民者祀之報本之義也是故風雲雷雨報之於天也山川社稷城隍報之於地也先聖先師鄉賢名宦之屬報之於人也祀期儀節備焉昭敬道也有司者謹非族焉則祀典正矣志祀典

廟祠

廟祀之來遠矣革封號之名而正以某子之稱立啟聖之祠而偕以四配之父增諸賢之所未備而黜諸

今上始故志之加詳乃若名宦鄉賢之有祠詳舊制也法皆宜書

○按元代例有之廟祀都缺見訂補

先師廟

每歲春一月初八月上丁日釋奠

先師孔子

舊稱至聖文宣王嘉靖庚寅改正撤像易以木主

四配

舊稱國稱公今曰某聖某子

十哲

次于四配亦稱曰先賢某子

東廡澹臺滅明以下五十人西廡宓不齊以下五十三人

七十二子今稱先賢某子春秋以王來諸儒今稱先儒某子增祀后蒼三

通歐陽脩胡瑗四人黜申黨公伯寮秦冉顏何荀况戴聖劉向賈逵馬融何休王肅王弼杜預吳澄十人以林放蘧瑗鄭衆盧植鄭玄服虔范甯七人各祀于其鄉其祭品祭器祭禮暨月朔望晨參如制

啟聖公祠

祀啟聖孔公以先賢顏無繇曾點孔鯉孟孫氏配先儒程珦朱松蔡元

定從祀於春秋上丁日先舉焉

名宦祠 祀名宦志所載若干人

鄉賢祠 祀人物志所載若干人

壇壝 古人建國必立壇壝曰社稷曰風雲雷雨山川曰邑厲鄉厲祈報之義悼憫之仁寓焉祀典其可廢乎故志壇壝而城隍之神皆能為民禦災捍患者因類書焉

○按宋元例有之壇壝此都缺見訂補

社稷壇 成化己亥知縣沈雷買民地新建于縣東北一里嘉靖壬辰府經歷陳伯義易以縣西邑厲壇連年地弗効靈水旱蟲荒薦至歲庚子知縣祝翊定復舊位歲春秋仲月上戊日祭之如制

山川壇 在縣東南二里成化二年知縣徐公泰重脩弘治三年知縣羅公勳再脩嘉靖庚子知縣祝翊重修歲春秋仲月上巳日祭之如制

邑厲壇 在縣西一里嘉靖壬辰府經歷陳伯義易以社稷壇歲庚子知縣祝翊因地弗効靈乃定復原位仍修築牆宇歲春三月清明秋七月望冬十月朔祭之如制

鄉厲壇 平湖鄉厲壇去縣三里奉泰鄉厲壇去縣三十里多雲鄉厲壇去縣五里而三鄉二十五里每里又各有厲壇焉不能悉載期同邑厲

城隍廟 在縣百步外成化初知縣徐泰重修嘉靖甲午知縣沈越樹牌坊一座歲丁酉知縣林宗桂置有

勅匣廟門東小房二間門西小房二間歲丁酉知縣宗林桂牒送儒學收賃錢二兩以給學中心紅及紙割之費其餘延一十五丈六尺表六丈

祀典志

卷五